

四庫全書

子部

欽定四庫全書

子部

玉海卷二十二

詳校官給事中臣查善長

主事臣祁韻士覆勘

總校官進士臣朱 鈐

校對官編修臣朱 攸

謄錄監生臣夏清和

欽定四庫全書

玉海卷二十二

宋 王應麟 撰

地理

河渠

唐龍門渠 廣濟渠 利人渠 涑水渠 延  
化渠

地理志同州韓城有龍門山武德七年治中雲得臣自

龍門引河溉田六千餘頃

會要武德七年四月九日同州治中雲得臣開渠自龍門

引黃河溉田六千餘頃

陝州陝縣有南北利人渠南渠貞觀十一

年太宗東幸使武侯將軍丘行恭開有廣濟渠武德元

年陝東道行臺金部郎中長孫操開引水入城以代井

汲

傳陝州城中無井人勤於汲操醜河入城百姓利安

宿州虹縣有廣濟新渠開

元二十七年採訪使齊幹開自虹至淮陰北十八里入

淮以便漕既成湍急不可行遂廢

傳以淮至徐城險鑿渠十八里入青水人

漕便其河中虞鄉北十五里有涑水渠正觀十七年刺史

薛萬徹開自開喜引涑水下臨晉趙州昭慶城下有澧

水渠儀鳳三年令李玄開以溉田通漕夏州朔方貞觀

七年開延化渠引烏水入庫狄澤溉田二百頃舊紀貞元七年

八月庚戌夏州奏開延化渠云云劍州陰平西北二里有利人渠引馬

閣水入縣溉田龍朔三年令劉鳳儀開寶應中廢後復

開景福二年又廢

唐黎陽新河 懷州新河

地理志衛州黎陽有新河元和八年觀察使田弘正及

鄭滑節度薛平開長十四里濶六十步深丈有七尺決河注故道滑州遂無水患懷州修武西北二十里有新河自六真山下合黃母泉水南流入吳澤陂大中年令

杜某開

德州平昌有馬頰河久視元年開號新河

會要元和八年十二月

魏博觀察使田弘正奏准詔開衛州黎陽縣故黃河道從薛平之請也先是滑州多水災平詢諸將吏得古河道於衛州黎陽縣界遣從事裴弘泰以水患告於弘正請開古河用分水力弘正上聞詔許之乃於鄭滑名徒

萬人鑿古河決舊河以注新河詔並褒美 薛平傳始  
河溢瓠子東泛滑距城纔二里所平按求故道出黎陽  
西南遣從事裴弘泰請弘正弘正許之乃籍民田所當  
者易以他地䟽道二十里以醜水悍還墾田七百頃於  
河南自是滑人無患 漢志黎陽注晉灼曰黎山在其  
南河水經其東其山上碑云縣取山之名

唐直河

地理志泗州盱眙有直河太極元年勅使魏景倩引淮

水至黃土岡以通揚州

唐張甲河

地理志貝州經城西南四十里有張甲河神龍三年姜

師度因故瀆開

漢志在清河郡信成首受屯氏別河東北至菴入漳水

唐疏嘉陵江通漕 汶江溉道

地理志興州長舉元和中節度使嚴礪自縣而西疏嘉

陵江二百里焚巨石沃醯以碎之通漕饋成州戍兵

泉州

晉江縣北一里有晉江開元二十九年別駕趙順政鑿溝通舟楫彭州九隴武后時長史劉易從決唐昌池江



鑿川派流合朔口琅岐水  
溉九隴唐昌田民為立祠

柳宗元興州江運記自長

舉而西導江而下二百里而至隨山之曲直以休人力  
順地之高下以殺湍悍決去壅土疏導江濤萬夫呼抃  
莫不如志雷騰雲奔百里一瞬既會既遠澹為安流蒸  
徒謳歌枕卧而至戍人無虞專力待寇 高儉傳進益  
州長史秦時李冰導汶江水灌田瀕水者頃千金民相  
侵冒士廉附故渠廝引旁出以廣溉道人以富饒 宋  
朝興國三年七月遣麴紹浚嘉州江置斗門節水

唐長安漕渠 運木渠

地理志京兆府長安大厯元年尹黎幹自南山開漕渠抵景風延喜門入苑以漕薪炭 會要永泰二年即大厯元年

年七月十日鑿運木渠自京兆府直東至薦福寺東街北至國子監東至子城東街正北逾景風門延喜門入于苑濶八尺深丈餘京兆尹黎幹奏 黎幹傳遷京兆尹以治稱京師苦樵薪乏幹度開漕渠興南山谷口尾入于苑以便運載帝為御安福門觀之幹密具舸船作

倡優水嬉冀以媚帝久之渠不就

唐長安西市潭

地理志京兆長安天寶二年尹韓朝宗引渭水入金光門置潭于西市以貯材木 會要置潭於西市之街

餘同

志

韓朝宗傳分渭水入金光門滙為潭以通西市材

木

唐陵陽渠

食貨志建中初宰相楊炎請置屯田于豐州發關輔民

鑿陵陽渠以增溉京兆尹嚴郢嘗從事朔方知其利害以為不便疏奏不報郢又奏五城舊屯其數至廣以開渠之糧貸諸城約以冬輸又以開渠工直市給田者據估轉穀如此則關輔免調發五城田闢比立浚渠利十倍也時楊炎方用事郢議不用而渠亦不成 會要建中三年四月宰相楊炎請於豐州置屯田發關輔人開陵陽渠云云 楊炎傳請開豐州陵陽渠發畿縣民役作渠卒不就 嚴郢傳炎請鑿陵陽渠郢奏發二京關

輔民浚豐渠營田擾而無利 地理志豐州九原有陵陽渠建中三年浚之以溉田置屯尋棄之

### 唐靈渠

地理志桂州理定

今興安

西十里有靈渠引離水故秦史

祿所鑿後廢寶曆初觀察使李渤設斗門十八以通漕

俄又廢咸通九年刺史魚孟威以石為鐔隄亘四十里

植大木為斗門至十八重乃通巨舟

邕州鬱水自蠻境七源州流出民常

苦之景雲中司馬呂仁引渠分流以殺水勢自是無沒溺之害

李渤傳桂有灘水出

海陽山世言秦命史錄伐粵

見嚴安傳

鑿為漕

通道

馬援討

徵側復治以通餽後江水潰毀渠遂厥淺每轉餉役數

十戶濟一艘渤醜浚舊道障泄有宜舟楫利焉

國初漕臣達詡

嘉祐憲臣李師中乾道帥臣李浩皆修是渠紹熙甲寅

十二月庚申帥臣朱晞顏等重修紹興二十九年十

二月臣僚言廣西靈渠接全州大江其渠僅百餘里詔漕臣修復以通漕運

漢傳嚴安書

曰秦使尉屠睢攻越使監祿鑿渠運糧深入越地淮南

王安書曰秦使尉屠睢擊越監祿鑿渠通道漢武戈

船之師出零陵下灘水馬伏波餉南征之戍開鑿導順

而渠之利益闢

唐紫溪渠 永樂渠

地理志杭州於潛南三十里有紫溪渠溉田貞元十八年令杜泳開又鑿渠三十里以通舟楫壽州安豐東北十里有永樂渠溉高原田廣德二年宰相元載置大厯十三年廢

唐敷水渠

地理志華州華陰西二十四里有敷水渠開元二年姜

師度鑿以洩水害五年刺史樊忱復鑿之使通渭漕

唐利俗渠 羅文渠

地理志華州鄭縣西南二十三里有利俗渠引喬谷水  
東南十五里有羅文渠引小敷谷水支分溉田皆開元  
四年詔陝州刺史姜師度疏故渠又立隄以捍水害

魏州

弘農南七里有渠貞觀元年  
今元伯武引水北流入城

唐三輔渠 鄭白渠

詳見下

會要開元九年正月李元紘擢京兆少尹詔令疏決三



輔渠時王公權要之家治渠立碓以治水田元絃一切  
毀之百姓大獲其利廣德二年李栖筠奏拆京城北白  
渠上王公碾碓七千餘所大曆十三年正月辛酉黎幹  
奏以鄭白支渠碾碓請皆毀廢從之太和二年三月內  
出水車樣令京兆造水車散給沿鄭白渠百姓以溉田  
官志水部京畿  
有渠長斗門長 李元絃傳開元初為萬年令賦役稱  
平擢京兆少尹詔決三輔渠時王公權家皆旁渠立碓  
漚遏爭利元絃敕吏盡毀之分溉渠下田下賴其恩

通典永徽六年雍州長史長孫祥奏言曰鄭白渠溉田  
乃萬餘頃今為富商大賈競造碾磴渠流梗澁於是遣  
祥分檢渠上碾磴皆毀之

唐光祿渠 靈鹽屯田

李聽傳為靈州大都督府長史境內有光祿渠廢塞歲  
久欲起屯田以代轉輸聽復開決舊渠溉田千餘頃後  
賴其利

唐伊婁渠 埭

齊澣傳為潤州刺史北距瓜步沙尾紆滙六十里舟多  
敗溺澣徙漕路由京口埭治伊婁渠以達揚子歲無覆  
舟減運錢數十萬又立伊婁埭官征其入招還流入五  
百戶 地理志潤州丹徒開元二十二年刺史齊澣以  
州北隔江舟行繞瓜步回還六十里多風濤乃于京口  
埭下直趨渡江二十里開伊婁河二十五里渡揚子立  
埭歲利百億舟不漂溺 會要開元二十六年十一月  
五日齊澣奏請開伊婁河又立伊婁埭 渠通江湖見

於遷書唐漕江淮撤閘置堰淳化廢之至于紹聖使臣  
孝蘊易堰以閘

唐漕渠

廣運潭

漢運渠

唐三門運渠

食貨志

兼用韋堅傳

唐都關中號稱沃野土地狹所出不足

給京師常漕東南之粟高祖太宗用物有節易贍漕運

不過二十萬石高宗後歲益增多開元二十一年裴耀

卿請置東西倉以避三門水險謂之水陸運浮渭以實

關中開元二十九年李齊物鑿砥柱為門以通漕

史記正義

底柱山俗名三門山在硤石縣東北五十里在河之中然水益湍悍舟不能入天

寶三載韋堅為陝郡太守兼水陸運使以代之始漢有

運渠起闕

志作闕

門西抵長安通山東租賦訖隋常治之

堅為使乃占咸陽壅渭為堰絕灞澹竝渭而東注永豐

倉下復與渭合

永豐倉下在渭水入黃河處漢之船司空也

初澹水銜苑左

有望春樓堅于下鑿為潭以通漕二年而成

志又於長樂坡瀨苑

塙鑿潭於望春樓下通舟楫樓下連橋彌亘數里觀者山積

帝為升樓詔羣臣臨觀堅

預取洛汴宋山東小斛舟三百首貯之潭使諸州各揭

其郡名陳其土地所產寶貨諸奇物於楸上先是民間  
唱俚歌曰得體紇那邪其後得寶符於桃林於是陝尉  
崔成甫更得體歌為得寶弘農野堅命舟人為吳楚服  
大笠廣袖芒屨以歌之成甫又廣之以為歌辭十闕自  
衣缺後綠衣錦半臂紅抹額立第一船為號頭以唱集  
兩縣婦女百餘人鮮服艷粧鳴鼓吹笛以和之衆艘以  
次輾樓下天子望見大悅擢堅左散騎常侍官屬賞有  
差蠲役人一年賜其潭名廣運是歲漕山東粟四百萬

石自裴耀卿言漕事進用者常兼轉運之職而堅為最要會

天寶元年三月開二年三月二十六日成救潭以廣運為名通典作三年通鑑天寶二年三月丙寅上辛望

春樓觀新潭四月名潭曰廣運舊紀云上幸廣運樓以觀之

地理志華州華陰有

漕渠自苑西引渭水因石渠會灞澹經廣運潭至縣入

渭天寶三載韋堅開京兆府長安大厯元年尹黎幹自

南山開漕渠入苑以漕炭薪萬年有南望春宮臨澹水

西岸有北望春宮宮東有廣運潭

未幾潭不可漕付司農掌之為捕魚之所

通鑑天寶元年陝州刺史李齊物穿三門運渠正月

辛未渠成

唐千金渠 萬金渠

地理志趙州栢鄉西有千金渠萬金堰開元中令王佐所浚築以疏積潦相州堯城北四十五里有萬金渠引漳水入故齊都領渠以溉田咸亨三年開漢志張掖郡麟得有千金渠西至樂涇入澤中後魏地形志鄴縣天平中決漳水為萬金渠今世號天平渠

唐華陰漕渠

見上

洛漕新潭

泗州新漕渠



見漕運

唐寧晉渠 普濟渠

地理志趙州寧晉

本廢陶縣天寶元年更名

地旱鹵西南有新渠上

元中

肅宗

令程處默引汶水入城以溉田經十餘里地用

豐潤民食乃甘昭慶城下有澧水渠儀鳳三年令李元  
開以溉田通漕兗州萊蕪西北十五里有普濟渠開元  
六年令趙建盛開

唐通濟渠

詳見漕運

汴渠

開

隋文開皇四年開通濟渠

隋志滎陽郡浚儀有通濟渠

自渭達

河通漕至唐代宗賜劉晏

劉晏傳領轉運租庸使乃

自按行浮淮泗達于汴入于河右修底柱硤石觀三門

遺迹至河陰鞏洛見宇文愷梁公堰廝河為通濟渠視

李傑新隄盡得其利病移書宰相言漕之四利四病盡

以漕事委凡致四十餘萬斛

廣德二年

栢良器傳李希烈

決水灌寧陵良器救之擇弩手善游者沿汴渠夜入

唐鄭白支渠

又見三輔渠

地理志京兆府雲陽有古鄭白渠見下列傳李栖筠進

工部侍郎廣德二年關中舊仰鄭白二渠溉田豪戚壅上游

取碓利且百所奪農用十七栖筠請皆徹毀歲得租二

百萬民賴其入 黎幹大厯八年為京兆尹十三年涇

水壅隔請開鄭白支渠復秦漢故道以溉民田廢碾碓

八十餘所正月辛酉嗣薛王知柔為京兆尹始鄭白渠梗壅

民不得歲知柔調三輔治復舊道灌浸如約遂無旱虞

渠扶老三輔民携幼詣闕請立石紀功知柔謙退得止碑不

突厥傳杜佑謂通典秦漢鄭渠溉田四萬頃白渠溉田

四千五百餘頃永徽中兩渠灌寢不過萬頃大厯初減

至六千畝畝腴一斛歲少四五百萬斛復兩渠之饒誘

農夫趣耕擇險繕壘屯田蓄力河隴可復豈惟自守而

已

通典云大厯初減至六千二百餘頃比於漢代減一萬八千頃

會要太和二年

三月內出水車樣令京兆造水車給鄭白渠百姓溉田

唐三白渠 景祐修三白渠

至道修見後

會要貞元四年六月二十六日涇陽縣三白渠限口準

諸堰例置監

從京兆鄭叔則之請也

十六年十一月詔以東渭橋

納給使徐班兼白渠漕渠及昇原成國等渠堰使太和

二年二月以劉仁師為修渠堰副使初仁師為高陵令

上言三白渠可利者遠而涇陽獨有之條理上聞其弊

遂革關中賴焉

太和元年六月修高陵白渠斗門

地理志京兆府雲

陽有古鄭白渠高陵有古白渠寶曆元年令劉仁師請

更水道渠成名曰劉公堰曰彭城華州下邳東南二十

里有金氏二陂武德二年引白渠灌之以置監屯兵

志高祖以渭北白渠旁民棄腴田分給元從禁軍百

官志河隄謁者六人涇渭白渠以京兆少尹一人督視

元和志大白渠在涇陽縣東北十里中白渠首受大

白渠東流入高陵縣界南白渠首受中白渠水東南流

亦入高陵界 通典京兆雲陽有大白渠涇陽有涇水

大白渠中白渠南白渠 白氏六帖水部式京兆高陵

清白二渠交口置斗門堰清水二分入白渠二分入清

渠 劉禹錫文涇水東行注白渠醜而為三以沃關中

按水部式決洩有時畎澮有度少尹一人行視之長慶

三年仁師列上便宜寶曆元年九月京尹鄭覃以聞仲

冬新渠成季冬二日新堰成

名渠曰劉公堰曰彭城

明年又攤其

衝為七堰以折水執 宋朝天聖六年二月都官員外

郎李同言永興軍涇陽縣三白渠節約水執宜立約以

限水命同知涇陽縣領三白渠事景祐三年二月丁卯

修陝西三白渠初漕臣王沿言三白渠自漢溉田四萬

頃唐永徽中亦溉田萬頃今纔及三千餘頃請調兵夫

興修之

志云擇雷簡夫董其事功費省而水有餘

唐揚州漕渠

又見雷啟

地理志揚州江都寶曆二年漕渠淺輸不及期鹽鐵使王播自七里港引渠東注官河以便漕運 會要寶曆二年正月鹽鐵使王播奏揚州城內舊漕河水淺舟船澁滯轉輸不及期程今從閘門外古七里港開河東屈曲至禪智寺橋通舊官河長十九里 王播傳浚七里港以便漕引 鮑昭賦拖以漕渠注邦溝也



唐均水法 水令

戴叔倫傳守撫州刺史民歲爭溉灌為作均水法俗便利之耕餉歲廣 王起傳節度山南東道濱漢渠堰聯屬吏弗修治起修復與民約為水令遂無凶年

唐石堰渠

地理志復州竟陵咸通中刺史董元素開

唐通利渠 晉渠 強公渠

地理志冀州南宮有濁漳隄顯慶元年築有通利渠延

載元年開堂陽西南有渠自鉅鹿入縣下入南宮景龍  
元年開冀州任丘有通利渠開元四年令魚思賢開以  
洩陂淀并州太原井苦不可飲貞觀中長史李勣架汾  
引晉水入東城以甘民食謂之晉渠 姜師度傳華原  
無水人畜多渴死雍州司士參軍強循教人渠以浸田  
一方利之號強公渠詔書褒予甚厚

唐常渠 甘泉渠 靈長渠 千畝渠

地理志太原府

并州

文水西北二十里有柵城渠貞觀三

年民相率引文谷水溉田數百頃西十里有常渠武德二年汾州刺史蕭顛引文水南流入汾水東北五十里有甘泉渠二十五里有蕩沙渠二十里有靈長渠千畝渠俱引文谷水溉田數千頃皆開元二年令戴謙所鑿

唐金鳳渠 新絳渠

地理志相州鄴縣南五里有金鳳渠引天平渠下流溉田咸亨三年開絳州曲沃有新絳渠永徽元年令崔翳引水溉田百餘頃

唐昇原渠 高泉渠

地理志岐州

鳳翔

寶雞

本陳倉

東有渠引渭水入昇原渠通

長安故城咸通三年開號東北十里有高泉渠如意元年開引水入縣城又西北有昇原渠引汧水至咸陽垂拱初運岐隴木入京城

唐孟瀆

地理志常州武進西四十里有孟瀆引江水南注通漕溉田四千頃元和八年刺史孟簡因故渠開無錫南五

里有秦伯瀆東通蠡湖亦是簡開 會要開古孟瀆長  
四十里得沃壤四千餘頃 孟簡傳州有孟瀆久  
淤闕簡治導溉田凡四千頃以勞賜金紫 李栖  
筠傳為常州刺史歲仍旱為浚渠廝江流灌田遂  
大稔

唐河內秦渠

崔弘禮傳遷河陽節度使治河內秦渠溉田千頃歲收  
八萬斛 志懷州河內有丹水開元十一年正月二更

名懷水

唐陽通河

地理志滄州清池西南五十七里有無棣河東南十五

里有陽通河皆開元十六年開

景州南皮古毛河自臨  
津經縣入清池開元十

年趙翊傳翊為忠武節度按鄧艾故蹟決翟王渠溉

稻以利農

唐韋游溝

地理志和州烏江東南二里有韋游溝引江至鄆十五

里溉田五百頃開元中丞韋丑開貞元十六年令游重  
彥又治之民享其利以姓名溝

唐十石壩渠

地理志河中府龍門貞觀二十三年縣令長孫  
恕鑿十石壩渠溉田良沃畝收十石西二十一  
里有馬鞍塢渠亦恕所鑿有龍門倉開元二年  
置

唐禮教渠 太白渠

地理志鎮州獲鹿東北十里有大唐渠自平山至石邑引  
大白渠溉田有禮教渠總章二年自石邑西北引大白  
渠東流入真定界以溉田天寶二年又自石邑引大唐  
渠東南流四十三里入大白渠 前漢地志常山郡蒲  
吾有大白渠水首受繇曼水東南至下曲陽入斯汶

唐無棣渠 三渠

薛大鼎傳高宗時為滄州刺史無棣渠

會要作無定河  
志作無棣溝

久厥塞大鼎浚治屬之海商賈流行里民歌曰新溝通



舟楫利屬滄海魚鹽至昔徒行今騁駟美哉薛公德滂  
被又疏長蘆漳衡三渠泄汙潦水不為害 會要永徽  
元年薛大鼎為滄州刺史界內有無棣河隋末填廢大  
鼎奏開之 地理志無棣有無棣溝通海隋末廢永徽  
元年薛大鼎開

唐菊花渠 利物渠

地理志相州臨漳南有菊花渠自鄴引天平渠水溉田  
屈曲經三十里又北三十里有利物渠自溢陽下入成

安并取天平渠水以溉田皆咸亨四年今李仁綽開

唐少渠

地理志絳州聞喜東南三十五里有沙渠儀鳳二年詔

引中條山水于南坡下西流經十六里溉涑陰田

聞喜故曲

沃

唐竇公渠

劉公渠

見上

地理志青州北海長安中令竇瑛於故營丘城東北穿

渠引白浪水曲折三十里以溉田號竇公渠

唐湛渠 高平渠

地理志汴州開封有湛渠載初元年引汴注白溝以通  
曹充租賦相州安陽有高平渠刺史李景引安陽水東  
流溉田入廣潤陂咸亨三年開 水經注濮陽城側有  
寒泉岡卽詩在浚之下世謂之高平渠非也

唐平虜渠

姜師度傳神龍初試易州刺史河北道巡察度支營田  
使好興作廝渠於薊門以限奚契丹循武帝故跡並海

鑿平虜渠以通餉路罷海運省功多遷司農卿 地理  
志薊州漁陽有平虜渠傍海穿漕以避海難又其北漲  
水為溝以拒契丹皆神龍中滄州刺史姜師度開滄州  
清池東南二十里有渠注毛氏河東南七十里有渠注  
漳並引浮水皆刺史姜度開 會要神龍二年滄州刺  
史姜師度於薊州之北漲水為溝以備契丹奚之入寇  
又約舊渠旁海穿漕號為平虜渠以避海難通糧者至  
今賴焉

唐玉梁渠 長豐渠 李渠

地理志蔡州新息西北五十里有隋故玉梁渠開元中  
令薛務增浚溉田三千餘頃瀛州河間西北百里有長  
豐渠貞觀二十一年刺史朱潭開又西南五里有長豐  
渠開元二十五年刺史盧暉自東城引滹沱東入淇通  
漕溉田五百餘頃袁州宜春有李渠引仰山水入城刺  
史李將順鑿

唐西渠

地理志魏州貴鄉有西渠開元二十八年九月刺史盧  
暉徙永濟渠自石灰窠引流至城西注魏橋製樓百以  
餘間  
通江淮之貨

唐青神渠

地理志眉州青神太和中榮夷人張武等百餘家請田  
于青神鑿山醜渠溉田一百餘頃

唐咸應永清渠

李景略傳回紇將南寇拜景略豐州刺史天德軍三受

降城兵馬都防禦使豐州當回紇通道窮塞苦寒地瘠  
鹵邊戶勞悴景畧至節用約已與士同甘苦鑿成應永  
清二渠溉田數百頃儲康器械畢具威令肅然聲雄北  
疆回紇畏之 地理志豐州九原有咸應永清二渠貞  
元中刺史李景畧開溉田數百頃

唐蜀岡渠 興成渠

蜀岡見塘類 興成見堰類

唐右史渠 考功堰 特進渠 御史渠

溫造傳為殿中侍御史以起居舍人宣慰鎮州出為朗  
州刺史開後鄉渠百里溉田二千頃民獲其利號曰右  
史渠 地理志朗州武陵北有永泰渠光宅中刺史  
胡處立開通漕且為火備西北二十七里有北塔堰開  
元二十七年刺史李璡增修溉田千餘頃東北八十九  
里有考功堰長慶元年刺史李翱因故漢樊陂開溉田  
千一百頃又有右史堰二年刺史溫造增修開後鄉渠  
經九十七里溉田二千頃又北百一十九里有津石陂



本聖歷初令崔嗣業開翺造亦從而增之溉田九百頃  
翺以考功員外郎造以起居舍人出為刺史故以官名  
東北八十里有崔陂三十五里有槎陂亦嗣業所修以  
溉田後廢大歷五年刺史韋夏卿復治槎陂溉田千餘  
頃靈州回樂有特進渠長慶四年詔開溉田六百頃

會要云置營田六百頃

冀州衡水有羊令渠載初中令羊元珪引

漳水北流貫城注隍孟州濟源有枋口堰太和五年節

度使溫造浚古渠溉田五千頃

會要云太和五年七月造為河陽節度使秦浚

懷州古渠枋口堰役功四萬云云本傳云奏復懷州古秦渠枋口堰以溉濟源河內溫武陟四縣田五千頃

號州弘農南七里有渠貞觀元年令元伯武引水北流入城 郭子儀家傳公請開豐寧軍御史渠溉田二千頃元和志千金陂在靈武縣北四十二里長五十里濶十里漢渠在縣南五十里從漢渠北流四十餘里始為千金大陂其左右又有胡渠御史百家等八渠溉田五百餘頃

唐永濟渠

宗室傳靈龜為魏州刺史鑿永濟渠通新市百姓利之  
劉黑闥傳躡北至毛州整衆背永濟渠陣 隋書大  
業四年正月乙巳開永濟渠引沁水達于河北涿郡  
國史志塘水東起乾寧軍西信安軍永濟渠為一水

唐龍首渠 交渠

唐以渠導水入城者有三一曰龍首渠自城東南導漣  
至長樂坡醜為二渠其一北流入苑一經通化門興慶  
宮自皇城入太極宮

貞元十三年五月引龍首渠  
水自通化門入至太清宮前

永安渠

開皇三年開

導交水自大安坊西街入城北流入苑

注渭三日清明渠導水自大安坊東街入城由皇城入

太極宮

括地志按王商傳穿城引豐水入第至貞觀間又堰豐鎬以入昆明而二水於是斷流

會要元和八年四月以神策軍士修城南交渠

唐七級渠

代宗紀大曆八年八月己未吐蕃寇靈州郭子儀敗之于七級渠

宋朝四渠 四河

四渠惠民金水五丈汴 四河汴黃惠民廣濟 至道

元年九月丁未上問侍臣汴水䟽鑿之由張洎講求  
其事奏曰惠民金水五丈汴水等四渠派引脉分會

于天邑舳舻相接贍足京師以無匱乏惟汴水橫亘中  
國首承大河漕引江湖利盡南海半天下之賦由此而  
進大禹䟽鑿場帝開明終為國家用其天意乎

四河漕  
運典國

六年始定  
數見漕運

汴水 禹於滎澤下分大河為陰溝出之淮泗

鄴元注  
水經曰

大禹塞滎澤開  
渠以通淮泗

至浚儀西北復分二渠其後或曰鴻溝

始皇疏之以灌魏都者是也或曰茺茺渠自滎陽五池

口來注鴻溝者是也或曰浚儀渠漢明帝時循河流故

瀆作渠渠成流注浚儀者是也

自漢末河入于汲灌注  
充豫永平中導汲自滎

陽別而東北至千乘入于海故瀆  
南注所謂絕河而受索自此始

在新渠之  
汲即汴字或曰石門

渠靈帝建寧四年於教城西北累石為門以遏渠口者

是也石門渠東合濟水與河渠東注至教山之北而兼

汴水又東至滎陽之北而梅然之水東流入汴滎陽之

西有廣武二城汴水自二城小澗中東流而出濟水至

此乃絕桓溫將通之而不果者晉太和之中也晉桓溫自兗州

伐燕郝超曰道遠汴水又淺恐漕運難通劉裕浚之始有湍流奔注而岸善

潰塞裕更疏鑿以運漕者義熙之十三年也皇甫誼發

河南丁夫百萬開之起滎澤入淮千餘里更名之曰通

濟渠者隋大業之初也大業元年三月辛亥開通濟渠自西苑引穀洛水達于河自板

渚引河通于淮或曰隋開皇中因漢之舊道河于汜大業初合河索為通濟渠別而東南入于淮而故道竭今

於畿為白溝於宋為沙於單為石渠於徐為汭而入於南清通典注坤元錄云自宋武北征之後復皆湮塞

大業元年更令開導名通濟渠西通河洛南達江  
淮 唐皮日休作汴河銘曰在隋則害在唐則利裴耀

卿言江南租船自淮西北泝鴻溝轉輸河陰含嘉太原

等倉凡三年運米七百萬石者唐開元之際也  
唐初改通濟渠

為廣濟渠 德宗朝杜佑請改漕路入琵琶溝經蔡河  
至陳合潁水會徐州順命而止時歲漕江淮米四十萬

石太宗嘗命張洎論著其興鑿漕運之本未如此宋至

道之元年也  
是歲汴河運米至五百八十萬石 唐貞元十四年正月

戊子董晉作汴州東西水門三月辛巳朔成周顯德二

年疏汴水四年疏汴水入五丈河又東北達于濟五年



三月汴渠成六年二月導汴入蔡水以通陳潁之漕建

隆二年春導索水自旃然與須水合入于汴興國三年

正月浚汴口九年正月命胡公霸治汴隄

四年九月名汴河水門曰

上善通津大通

淳化二年六月己酉汴決上乘步輦視之命戴

興督步卒數千塞之隄立而水執定河陰汴口每歲均

節水執濟江淮漕運景德元年十月以許元豹為河陰

都監後常以知水事者為之三年六月汴溢上乘步輦

幸西水門觀水執七月築隄畢祭汴口祥符二年八月

選知水者減汴口水執圖上利害四年十月白波發運

判官吏瑩言尋古碑請於汜水孤柏嶺下緣南岸山趾

開汴口以均水執上以圖付楊守適同經度內臣閻承

翰請於下流開減水四道以防汜溢從之瑩議寢

瑩所開

元十五年二月二十五日碑云貞觀中文皇帝命洛州

長史李侏勸堰鑿山隨山導水連陲以決浪醜河以延

濤或言此之溝洫無異涓涔一葦則浮巨艦則膠乃起

渠口琢石為門刻木為閘費廣逸塞皇帝疇咨俾乂命

范公為開鑿使張瑛介焉召水工審地勢調五州數萬

卒疏疆劃分荷鉞如雲人百其力臯鼓弗闌平塘成澮

夷岸成堤植以八年八月馬元方請浚汴河中流廣五

柳杞揭以杠梁

八年八月馬元方請浚汴河中流廣五

丈深五尺命韋繼昇度之十二月甲午請自泗州夾岡浚之又於中牟滎澤各開減水河以圖來上奏可天聖六年十月廢梁固舊斗門三於北岸砌減水斗門二

本禹迹也首受黃河在益州河陰南每歲均調水執九止深六尺民蓄浚河器備天聖初始罷春夫減役費

年正月庚申調畿內及近州丁夫五萬浚汴渠皇祐二年八月修中牟汴隄三年九月丙子詔河渠司歲一濬汴河嘉祐六年都水監奏汴河自泗州至南京道直流駛不復須治自南京以上至汴口水散漫故多淺請自

南京都門三百里修狹河水岸扼東水勢從之凡用木

捷竹索三百八十四萬二百役工百八十六萬四千為

岸三萬一千四百步

嘉祐元年九月癸卯自京至泗州置狹河水岸

治平三年

成人便之七月賞官吏有差舊制汴口啟閉有時熙寧

六年十一月用范子奇議遂不閉

熙寧二年閏月侯叔獻言汴河兩岸沃壤

千里欲稍置斗門泄其餘水分為支渠及引京索河八井三十六故以溉田戊申以提舉府界常平使之

年六月丙午侯叔獻議因故道鑿隄置牖醜汴水入蔡

河通漕十年名北水門曰宣澤

郭詒謂導洛入汴河以四時行運張君平及

子鞏管汴口君平建言歲開汴口當審擇其地得其地則水湍駛而無留沙歲可省疏濬工百餘萬詔用其策  
汴口靈津廟有真宗御製汴水發願文碑  
嘉祐六年十一月戊辰修碑殿為崇訓殿 汴都背

倚燕趙面控江淮泰岳鎮其左溫洛縈其右為天下奧區隋鑿漕渠梁立廟市眷顧經營以俟有德上帝監觀四方相定王國乃睠大梁之野原隰廣博岡陵重複宜受命而帝者建都畫圻以為萬世之業 都浚宿兵釀渠引漕

黃河 禹於頓丘䟽二渠分水執一渠䟽畎引傍西山

以東夾右碣石入于渤海書所謂北過涿水至于大陸者也一渠自舞陽縣東引入漯水其水東北流至千乘入海即今黃河是也自大伾而北既醜為二至大陸又播為九然後為逆河以與海屬周定王之時禹迹遂改河之為敗自此始周顯德初大決鄆州李穀監治隄以禦之水患少息乾德元年四月甲辰重鑿砥柱三門淳化四年梁睿言滑州每歲河決南岸請於迎陽鑿渠引水凡四十里至黎陽合大河乃命興役五年正月新渠

成又命杜彥鈞鑿河開渠自韓村埽至州西凡十五餘里合于河以分水執天聖七年五月高弁高繼密等上黃河諸埽圖承命殿示輔臣議所行十二月繼密請度河北岸就高阜築遙隄弁請於澶州分作兩隄詔龍圖閣待制韓億等議

餘見後

惠民河 與蔡河一水即閔河也建隆元年四月浚蔡河設斗門二年正月浚蔡渠命右領軍上將軍陳承昭督其役

發京畿陳許丁夫數萬

導閔水自新鄭與蔡水合貫京師

南歷陳潁達壽春以通淮右之漕舟楫畢至都人利之於是以西南為閔河東南為蔡河乾德二年二月鑿渠自長社引淇水至京師合閔水渠成民無水患閔河之漕

益通

淇水出密縣大  
駝山歷許田

開寶六年三月壬午改閔河為惠

民河興國四年九月名惠民河水門曰普濟廣利淳化二年以淇水汜溢自長葛開小河導淇水分流二十里合于惠民河咸平五年七月霖雨惠民河溢開封守寇準治丁岡古河泄導之祥符二年四月陳州請自許之



長葛浚減水河及治棗村舊河以入蔡河從之十月於  
頓固減水河口修雙水門以減陳潁水患九年許州請  
於大流堰穿渠置二斗門引沙河以漕天聖二年正月

修大流堰斗門開減水河通漕二月渠成

宋祁作尉氏縣新門泄水

河嘉祐三年正月開京城西葛家岡新河分入魯溝熙

寧八年十月議開惠民河道以便修城九年七月於順  
天門外直河至染院後入護龍河至咸豐門南入京索  
河元祐四年六月知陳州胡宗愈議古八丈溝可開浚

分蔡河之水自為一支由潁壽入淮詔羅

闕

治之

蔡河貫京

師兼閔水消水澗水以通舟楫木橫棧為水之節啟閉以時

金水河 本京索水導自滎陽黃堆山其源曰祝龍泉

過中牟名曰金水建隆二年春命陳承昭鑿渠引水百餘里抵都城西架其水橫絕於汴設斗門入浚溝東匯于五丈河公私利焉乾德三年又引貫皇城歷後苑內庭池沼開寶九年上步自左掖親按地勢命水工引金水鑿渠為大輪注晉邸及潛龍園祥符二年八月決為

渠後見天禧二年八月鄭州畎索水入金水役兵千凡六

旬畢 楊侃賦越廣汴湍流之上轉皇城西北之隅貫

都注御溝之口轉漕通廣濟之渠京索導源金水名河

廣濟河 即五丈河自都城歷曹濟及鄆其廣五丈周

顯德四年四月乙酉詔疏汴水北入五丈河齊魯舟楫

皆送大梁六年二月命韓令坤自京東疏汴水入蔡河

袁彥浚五丈河以通漕建隆二年二月壬申發曹單丁

夫數萬浚五丈河

自都城北歷曹濟及鄆以通東方之漕給事中劉載督其役上曰煩民奉

已朕不為也河渠三月甲辰新水門成車駕臨觀先是之役蓋非獲已

河為泥塞命右監門將軍陳承昭於京城之西夾便河造斗門自滎陽鑿渠百餘里引京索二水通城壕入斗門架流于汴東匯于五丈河以便東北漕運三年正月承昭護修河車駕臨觀賜錢三十萬乾德三年引五丈河造西水碓成上臨觀開寶六年三月壬午改為廣濟河興國三年正月發近縣民濬之四年九月名水門曰咸通

天聖初  
改善利

景德二年六月上曰斗門本李繼源造始

因京索河遇雨即汎入汴遂置之以便通洩因令置巨石熙寧十年名南水門曰永順元豐五年二月十一日

罷廣濟河輦運司

用李察等議

上供物於淮陽界入汴名清

河輦運七月御史王植言廣濟安流清河沂流遠近險易有殊六年命定陶令張士澄修廣濟河及渠成歲漕六十萬給京師元祐元年三月十九日命棣州王諤興復廣濟河運四月十二日都水言廣濟以京索河為源轉漕京東歲計請於宣澤門外架流入咸豐門由舊道

復河源以通漕從之

天聖六年開貽慶言廣濟河出濟州之合蔡鎮通梁山泊請治夾黃

河引水注之因度工費立橋梁置埧堰踰年而畢慶歷中又濬徐沛之清河任城金鄉之大義河以通漕運

輿地廣記汴河蓋古苧蕩渠也首受黃河水隋開浚以

通江淮漕運兼引汴水亦曰通濟渠元豐中導洛通入

謂之清汴蔡河蓋古琵琶溝也 水經汭水出陰溝于

浚儀縣北注陰溝即苧蕩渠也于大梁北又曰浚水陳

留風俗傳曰浚水逕其北 九域志廣濟河禹貢之荷

澤京索河官渡即鴻溝也 楊侃皇畿賦天設二渠曰

蔡曰汴通江會海縈畿帶甸 朱昂知泗水作隋河辭  
曰隋罹其困今受其賜昔濬理兮以豫以游今通濟兮  
可沿可浮 張方平曰京師古所謂陳留八達之地也  
國依兵而立兵以食為命食以漕運為本漕運以河渠  
為主國初浚河渠三道通京城漕運定立上供年額汴  
河六百萬石廣濟河六十二萬石惠民河六十萬石廣  
濟河所運止給太康咸平尉氏等縣軍糧而已惟汴河  
所運粳米兼小麥此乃太倉蓄積之實今仰食官廩者

不惟三軍至于京師士庶以億萬計大半待飽于軍稍之餘有汴河則京師可立乃建國之本非可以區區溝洫水利同言也 蘇氏書傳曰自唐以前汴泗會於彭城之東北然後東南入淮近歲汴水直達于淮不復入泗矣吳王夫差闕溝通水與晉會於黃池而江始有入淮之道禹時則無之故禹貢曰沿于江海達于淮泗明非自海入淮則江無通淮之地今徐州直云浮于淮泗達于河不言自海則鴻溝官渡汴水之類自禹有之明



矣 開寶八年正月癸巳命京西漕李符督糧運

又用符計發民及鄉兵數千人鑿橫江渠於歷陽

符董其役渠成漕運無乏

時在李煜

九年四月幸西京

發卒五千自洛城市橋鑿渠至漕口二十五里以

便餽運楚州北山陽灣迅急多沈溺雍熙中漕臣

劉蟠議開沙河避淮水之險喬維岳繼之開河

自楚州至淮陰凡六十里舟行便之咸平五年

三月河北漕臣耿望開鎮州常山南河自汶河

至趙州景德元年正月以河朔輦運勞引定州北唐河  
至定開渠至蒲陰東六十二里入沙河東經邊吳泊入  
界河以通漕舟兼溉田限戎馬五月詔滑修已與京東  
漕臣按行梁山灤開渠疏水于淮八月雄州何承矩請  
令滄州乾寧軍視斗門引潮入御河東塘堰以益塘水  
二年正月命定祁州開漕河天聖三年六月張綸請開  
真州長蘆口河

開寶纂禹元經 祥符導河形勝書

開寶五年六月戊申詔澶濮數州洪河屢決前書但言  
導河至海未聞力制湍流戰國專利湮塞故道九河之  
制遂隳歷代之患弗弭搢紳草澤有習河渠之書知疏  
導之策者上書條奏時東魯逸人田告著纂禹元經十  
二篇召至闕詢以治水之道善其對六年八月王德方  
上修河利害祥符四年開滑州減水河五年正月戊戌

秘閣校理李垂上導河形勝書三篇并圖

書目一卷攷  
古摭今欲復

河之故道又有導河形  
勝計功畢功圖今缺

詔密學任中正龍學陳彭年等

詳定

垂書畧云從西大河故濟東北合赤河達于海於魏縣北御河西析一渠合衛漳水又冀州北深州

西南決衛漳西北注游汜潦則塞之使東漸勃海旱則決之使西灌屯田有以備塞限胡形勝之利出於中國矣漢武舍大任之故道發頓丘之暴衝則濫充汜齊夫平原而北地執下洩水甚易故滄德之交舊障皆全蒲臺而東地執高入海稍艱故齊棣之間游波互出中正等言垂所述自禹至漢

河流䟽導遷徙洎河北山川地名頗悉詔送史館天禧四年垂復上䟽河利害詔至滑德衛貝天雄通利與長吏規度垂請自衛州東曹公所開運渠東五里引之正北稍東十三里破伯禹古隄注裴家潭逕牧馬陂正東

稍北四十里鑿大伍西山醜為二渠

垂欲醜為別派議使緩而不決

寢

初祥符八年二月命李及等議開滑州減水河及等請於迎陽村北開小河垂子仲昌塞河背家學歐

陽修言五不可

太平興國平河歌

天禧修河碑

天聖修河

記

開寶八年六月河決澶州頓丘發民數萬修之十一月

畢興國二年七月決鄭州滎澤孟州溫縣塞之三年四

月決獲嘉

懷州

靈河

滑州

塞之八年五月決滑州房村徑澶

濮曹濟發卒數萬塞之久不成九月遣柴成務等四人  
按視南北岸古遙隄西自河陽東至于海周覽舊址凡  
十州二十四縣及還上言曰治遙隄不如分水執孟鄆  
雖有隄防滑澶最為隘陘二州可立分水之制議寢秋  
命張齊賢祭河加玉幣十二月河塞羣臣賀九年春復  
決命蘇誨六人督諸郡修之三月河塞凡二十羣臣賀  
帝作平河歌示輔臣劉吉督其役景德三年又決祥符三年  
八月二十五日滑州言河順道北流天禧三年六月乙

未滑州河溢天臺山旁復決城西南岸歷澶濮曹鄆注

梁山泊濟徐又合清河古汴上流入淮命薛顏等規畫

馮守信董修河四年正月白馬津將塞河命張士遜往

祭二月丁酉奏河塞己亥學士晁迥致祭庚子羣臣賀

于崇德殿上親製文刻碑

丙戌作

紀成功

建于福寧院乾文殿

凡薪

竹捷苗之數千六百萬役九萬人六月丙申復決天臺

山下廣五百步深四十丈九月命王黃裳規度十二月

請分水執五年五月開減水河成河漸復北流天聖元

年五月命參政魯宗道行河度工費募民輸薪芻調兵

伐榆柳五年七月丁巳興役

彭唐董之

發民三萬八千兵二

萬一千緡錢五十萬芻橐千六百二十萬不三月而功

就十月丙申滑州言河塞上御承明殿諭輔臣王曾等

再拜賀乃作靈順廟于新隄之側十一月丁酉朔名埽

曰天臺埽

因其山名也

己亥百官賀河平遂燕崇德殿命告

謝天地社稷陵廟翰學章得象祭河三司使范雍滑守

寇瑊等遷秩

自天禧三年至是積九歲乃復塞

六年三月瑊請撰記命



翰苑宋綬為修河記 熙寧十年七月乙丑決澶州曹

村元豐元年春修塞以牲玉祭河閏正月丙戌首事四

月二十五日名埽曰靈平

立廟曰靈津  
孫洙撰碑

是年五月甲戌

朔新隄成

隄百十里

河自定武還北流六日羣臣表賀告

類郊廟勞饗官師又修月隄增卑培薄

蘇軾作河復詩  
吾君仁聖如帝

堯百神受職河神驕帝遣風  
師下約東北流夜起澶州橋

### 太平興國襄漢漕渠

三年正月戊戌開襄漢漕渠直抵京師以通湘潭之漕

渠成而水不行

白河在唐州南流入漢漕臣程能議開是河發八州民數萬命王文寶等董其

後端拱元年治荆南漕河至漢江行旅頗便而古白河

終不可開至和二年二月丙午襄州宜城令孫永治長

渠三月癸未畢時蓄洩止侵爭熙寧六年守臣曾鞏著

令上司農八年秋鞏為記曰秦昭王三十八年白起攻

楚去鴈百里立埭壅水為渠以灌鴈今長渠是也酈道

元謂溉田三千餘頃蓋水出西山諸谷者其源廣而流

於東南者其勢下

秦得鴈為縣漢惠三年改宜城

熙寧二年宜城令朱

紘脩復水渠溉六千餘頃四月詔增秩紹興三十二年

十一月

孝宗即位

辛酉

二十日

督視王徹言襄陽古有二渠長

渠溉田七千頃木渠溉三千頃今湮廢臣今先築堰開

渠渠成募民雜耕從之

熙寧元年九月提舉兩浙河渠胡准言杭州長安堰秀

州杉青堰常州望亭堰宜委令佐循視以時啟閉二年

十一月頒農田水利約束元祐六年七月蘇軾錄進

單鈔吳中水利書一卷

太平興國浚汾河

三年正月甲午令絳州浚汾河

會要九月遣李守澤濬之

熙寧九

年七月四日太原守韓絳請濬汾河

括地志汾水源

出嵐州靜樂北百三十里管涔山北東南流入并州即西南流入至絳州蒲州入河

至道修鄭白渠

元年正月五日度支判官梁鼎陳堯叟言舊史鄭渠引涇水注洛三百餘里溉田四萬頃白渠引涇注渭長二

百里溉田四千五百頃今所存不及二千頃鄭渠難興  
功請遣使視三白渠修舊迹詔大理丞皇甫選光祿丞  
何亮乘傳經度二年四月丁酉選等言鄭渠久廢用功  
大三白渠溉涇陽櫟陽高陵雲陽三原富平六縣田三  
千八百五十餘頃宜增築隄埭周護之舊設斗門一百  
七十有六以節水宜悉繕治俾用水有準渠口舊有六  
石門謂之洪門今亦圯欲就近開渠口以通水道歲令渠官  
行視䟽浚嚴禁豪民無令決渠盜水以擅其利時著佐

孫冕總三白渠詔冕行之未幾而罷

王公謂鄭白渠皆上源高處為堰沿

渠立斗門多者至四十餘所以分水勢其下別開小渠方以溉田其作堰之法用石錮以鐵積之于中流擁為雙派南流者仍為涇水東注者醜為二渠故雖駭浪不能壞其防先是至道元年九月堯叟等言陳許鄆蔡宿亳壽有信臣杜詩杜預任峻司馬宣王鄧艾遺蹟欲因其溝塍增築隄堰導水利墾公田選亮以為費廣詔止募熙寧五年涇陽令侯可議鑿小鄭渠引涇水民耕墾

高與古鄭渠等十一月十七日都水丞周良孺言自石門北開二丈四尺堰涇水入新渠可溉田二萬餘頃開至臨涇就高入白渠則水行二十五里利益廣開至三

限口五十餘里接雲陽可溉三萬餘頃詔如其議自石門至三限合白渠興修 紀景祐三年二月丁卯修陝西三白渠

咸平運渠圖

五年正月馬濟請自靜戎東至順安軍開浚運渠役萬人一月可就於西開至威虜軍以限戎騎於渠側興水陸營田上指圖曰此渠成亦頗為利宜先修運渠景德三年七月丁卯內出徐州至楚州新河圖其中水淺則

施堰埭經呂梁灘磧上曰若此豈可漕運乃罷之

先是趙守

倫獻議遣使覆視

天禧三年五月發運使賈宗顏言歲漕自真

揚入淮汴歷堰者五官煩民疲請浚漕渠廢三堰以均

水執歲省費十萬癸未詔屯田郎中梁楚按視明年成

水注新河與三堰平漕舟無阻公私便之天聖三年七

月庚辰朔發運使方仲荀副張綸謂淮南漕河真楚諸州宜

作水閘石牕分水溉民田詔為之以漸

綸請增長堤二百里旁錮巨石

為十閘以疏其橫流

明道二年五月辛巳參政王隨供奉官鄧守



恭江從瑩上淮南運河圖嘉祐三年春開漕河

從張方平之言

也四年八月興修河北御河運路元豐七年三月十六

日以開龜山運河發運副使蔣之奇等遷秩

六年正月始事二月

乙卯奏功長六十里廣十五丈深丈有五尺通略云自龜山蛇浦下屬洪澤鑿為複河亘五十七里有奇

紹興三年十一月丙辰詔浚運河

以漕運不通故也

上不欲疲

民止發旁郡卒四年正月癸酉經始于臨安兩月而畢

八年十一月再浚十九年二月又浚二十九年十月上

諭大臣曰禹之溝洫為民故孔子稱無間紂之陂池則

縱已私欲故聖人罪之隆興二年十二月臨安守吳芾  
請開運河乾道三年六月王炎請浚河渠

祥符金水渠

二年八月命供備庫使謝德權決金水河為渠自天波  
門並皇城至乾元門歷天街東轉繚太廟皆甃以礮甃  
植之芳木累石為梁間作方井復東引由城下水竇入  
于濠京師使之九月丁卯十六日畢功詔宗正告廟室賜  
役卒緡錢

祥符龍首渠

七年六月知永興陳堯叟導龍首渠入城民便之詔嘉  
獎 繞雷未足言其固鄭白未足語其豐

天聖䟽溝洫

二年命閭門祇候張君平等行畿甸距南京宿亳州度

形勢䟽溝洫君平陳八事

君平患京師數離水菑言近畿諸州古溝洫與畿內相接

歲久不治請委官䟽鑿

天聖元年發運使趙賀行蘇州治積水

葺吳江太湖石塘路以捍風濤三年副使張綸開真州

之長蘆口為河屬之江舟楫以為便七年發運使鍾離  
瑾置閘於揚州之召伯堰以通漕

天聖復永豐渠

四年閏五月辛亥詔陝西漕臣相視修復永豐渠

解州

後魏正始四年

實錄云  
二年

都水校尉元清引平坑水為渠

西入黃河以運鹽名永豐渠周齊間廢隋大業中都水

監姚暹決堰浚渠自陝郊西入解縣民賴其利唐末湮

沒鹽運大難至是殿直劉逵請開浚通舟運鹽

解州安  
邑至白

家場漕臣王博文以為便命三司計功浚之公私利焉

志云

是歲卒成之  
公私果利

### 天聖相州渠田

四年二月甲寅審刑詳議官王沿言魏史起為鄴令鑿  
十二渠引漳水溉田歷漢魏齊隋不絕唐至德後其渠  
遂廢今相魏磁洺之田並漳水者斥鹵不可耕又取為  
牧地民益困請募民復十二渠渠復則水分無奔決之  
患可以富數郡之民詔河北漕司規度而洺州倅王軫

謂漳水岸高難開導渾濁不可溉田八月辛巳沿又奏

時為監  
察御史

渠田起於戰國魏襄王時前載但言溉灌之饒

不言疏導之法唯相州圖經載天井堰魏武帝所作凡  
二十里分十二堰相拒二百步互相灌注故魏都賦云  
澄流十二同原異口然則為渠之法必就高阜鑿岸為  
渠截流為堰然後水行數里方至平田若渠開二丈四尺  
則作堰之功可損其半日役萬人五十日而罷若采坯  
山之石取碯陽之木給利成之鐵用鄭白渠之法扼中

流以作堰下流大渠分置斗門餘水東入於御河或水  
盛溢則下板閉渠以防奔注復三百年之廢迹溉數萬  
頃之良田雖役百萬數載而畢未足為勞况此五旬之  
力哉奏雖不行上甚嘉之後沿為河北轉運使導相衛  
邢趙天平景祐諸渠視田數  
萬頃 元祐七年八月二十一日邇英讀寶訓上問沿軫  
所言孰長侍讀顧臨曰沿說可行

天聖治河十策

李渭傳會河決滑州天聖初上治河十策

慶曆三河圖

八年十二月庚辰北京留守賈昌朝言去歲河敗德博

間凡二十一今夏六月癸酉決商胡莫若東復故道盡塞諸

口謹續縲川橫隴商胡三河為圖以進詔學士郭勸等

與河北京東漕臣議利病以為故道不可復遂已河自商胡

西趨恩翼功大不復塞至和二年九月李仲昌議自商胡下鑿六

塔渠引河東注橫隴故道一云開修六塔河丁卯令兩制臺諫

議丙子歐陽修請就下流求入海之路而浚之甲申孫



并言六塔下流可導而東去以紓恩冀金隄之患卒從

仲昌議

十二月丁亥  
修六塔河

十二月戊子以仲昌都大提舉河

渠司嘉祐元年四月塞商胡一夕復決

昌朝欲復故道  
仲昌請開六塔

歐陽修皆  
謂不然

### 慶厯河防通議

書目一卷慶厯八年河決澶淵詔有司防塞屯田員外

郎沈立督役因考揆前志詢擇時論著為八議 沈立

在商胡采撫大河事跡古今利病曰河防通議

皇祐溉漕新書 熙寧水利圖經 宣和編類

河防書

皇祐三年五月壬申置河渠司于三司五年七月癸丑  
州判官李虛一上溉漕新書四十卷其書記古今河渠  
事其間言塞六塔便詔送河渠司嘉祐三年十一月己  
丑二十置在京都水監以呂景初判監罷河渠司元祐  
元年四月四日李常請置外都水使者四年七月復置  
以河北漕臣謝卿才兼領 熙寧九年八月二十四日

判都水監程師孟言臣昔提刑河東兼河渠事本道有  
黃河礮山水絳州正平有馬壁谷水勸民開渠溉田五  
百餘頃凡九州二十六縣興修田四千二百餘頃并修  
復舊田五千八百餘頃計萬八千餘頃嘉祐五年功畢集成水  
利圖經二卷付州縣遵行迨今十七年尚慮河東荒墾  
之田可引河以溉奏遣都水丞耿琬視之 元豐之制

水部掌水政崇寧二年十月有司請推廣元豐水政宣  
和二年八月二十九日編類河防書成二百九十二卷

嘉祐永通河 二股河

二年有司言至和大水京城懼害宜自祥符縣葛家岡

穿河直城南好草陂北入惠民河分注魯溝則無水患

三年正月戊戌發卒調民穿河於京城西

紀云正月戊戌鑿永通河

役工六十萬九月成癸巳名曰永濟河

紀云永通

十一月已

丑置都水監五年春河北漕韓贄穿二股渠分河流入

金赤河役夫三千一月而畢七月丙辰上二股河圖

四界

首八年贄判都水二月命贄及丞李立之與河北漕唐

介按視修二股河治平元年五月命都水浚二股河紓  
恩冀水災熙寧元年十一月十三日命翰學司馬光度  
二股河利害二年八月五日己亥光言禹分九河漢醜  
二渠河順則為患小矣河併為一則勞費倍分為二則  
費減半張鞏等欲塞二股河北流恐費大而功不成十  
四日鞏言北流已塞辛亥詔閉斷北流四年七月河決  
大名五年三月塞之導河入二股七年浚魚肋河復二  
股河故道元祐七年呂大防曰黃河持議者有三說一

曰回河二曰塞河三曰分水為四隄二河分減水執實  
為大利 河渠志嘉祐二年有司獻說云云 明年正月  
乃發官卒調民丁鑿河九月而成役工六十三萬目曰  
永通河 紀治平元年五月己亥濬二股五股河

嘉祐復召信臣渠 三改

五年七月三司使包拯言京西多閒田而唐州四縣田  
之入草莽者十八九民多流散守臣趙尚寬興復召信  
臣渠及境內陂堰溉田數萬頃荒瘠變為沃壤流民自

歸淮南河北之民至者萬餘戶丙午詔褒之留再任

唐土曠民稀尚寬按視圖記得召信臣故迹發卒復三大陂一大渠皆溉田萬餘頃又教民自為支渠數十轉相浸灌四方之民來者雲集以閒田計口授之貸錢買牛比三年皆為膏腴增戶萬餘王安石作新田詩美之

離離新田其下流水孰知其初灌莽千里其南背江其北適淮父抱子扶千百其來其來僕僕鏹我新屋趙侯劬之作者不飢歲仍大熟飽及鷄驚儼船與車四鄰出穀今游者處昔止者留雖昔牧我不如今侯侯來適野不有觀者稅于水濱問我鰥寡侯其蘇軾過唐作新渠來矣三歲于茲誰能止侯我往求之

詩五章

唐子正月始復三陂疏召渠招懷遠人散耕于唐詩曰新渠之水其來舒舒溢來其野至于通

衡渠成如神民始不知問誰為之邦君趙侯新渠之田在渠左右渠來奕奕如赴如湊如雲斯積如屋斯溜嗟唐之人始識杭稼新渠之民自淮及潭挈其婦姑或走而顛王命趙侯宥我新民無與王事以訖七年侯謂新民爾既來止其歸爾邑告爾鄰里良田千萬爾擇爾取爾耕爾食遂其爾有築室于唐孔碩且堅生為唐民飽嚮與饘此莽于唐祭有雞豚天子有命我惟爾安

治平元年正月甲寅增秩賜

錢以卒其功

增佃者二千餘戶

熙寧五年五月十九日常平

使者陳世修請于唐州石橋南北岸累石為虹橋架水入東西邵渠灌注九子等十五陂則二百里間水利均



決命唐守蘇涓履視

召渠乘高寓水類鄭渠

志嘉祐中趙尚寬

高賦相繼守唐州稍修復渠堰

熙寧白溝河 元豐清汴

至道元年二月邢用之等請開白渠河自京抵呂梁口  
凡五六百里以通漕命興役王矩言不可而止咸平六  
年秋白渠溢用之往視自襄邑䟽下流導京城積水命  
董役成之祥符二年八月金水河防決有言汴河南有  
三十六陂古蓄水之地必有下流通諸河詔度地畫圖

及修隄防熙寧二年閏十一月十五日提舉常平侯叔獻言汴河歲漕東南六百萬斛費率數石而致一夾河沃壤千里牧地廢田二萬餘頃宜於汴河南置斗門泄餘水分為支渠十二月二十三日命於夾河引汴水溉田六年八月十六日叔獻以都水丞上言承詔開白溝等河以白溝為清汴儲三十六陂及京索二水為源倣真楚開平河置牒四時行舟丁亥命劉瑜一作璿覆視河長八百里功大分三歲興作與汴林皆通轉輸七年正月二十

七日都水請停修白溝奏可

政和二年十月開含暉門  
外白溝河與地廣記云

在封丘縣

八年四月十七日程昉請修滹沱河九年六月成

元豐元年五月張從惠言汴河歲閉塞修隄防勞費往  
有建議導洛入汴患黃河齧廣武山功大不可為去年  
七月水退河稍北宜鑿渠導洛為萬世利六月十五日  
都水丞范子淵畫十利請於汜水鎮北門導洛為清汴  
通漕十二月六日又言河陰西十里至洛口地形西高  
東下可行水丙午命安燾等相視二年正月燾奏功不

可成三月庚寅詔內侍宋用臣提舉導洛通汴四月甲

子興役六月戊申畢工

凡四十五日

甲寅清汴成

用工九十七萬七千有

奇自任村沙谷至河陰汜水關北通黃河接運河長五十一里兩岸為隄長一百三十里每二十里為捷以節湍

流

三年五月二十二日改提舉職為汴河隄岸司六月

乙卯刻元豐導洛記于洛口廟

記曰三年夏築隄于河洛之兩間以捍黃水鑿

渠于廣武山之麓以導伊洛

### 熙寧洪澤河

四年八月四日命發運副使史公弼修泗州洪澤河

初

弼言漕運涉淮有風濤之險請開是河六十里五年正月十七日畢功錫公弼銀幣

九年五月二十六日王子京修運鹽河自泰州至如臯

百七十餘里元豐二年八月十三日浚淮南運河自召

伯堰至儀真十四節分二歲用工從漕臣請也六年八

月六日發運副使蔣之奇請開治長淮洪澤河命都水

丞陳祐甫視之役民夫九萬二千分二歲開浚元符元

年三月五日修楚州河賜名通漣河先是天禧三年十月二月命張宗象相

視開楚州運河乾道七年二月命漕臣開龜山洪澤運河元豐四年四月河決小

吳七年七月決冀洺及北京八年十一月

志在七年十月

王令

圖議復大河故道命李常視之常言不可遂罷時元祐  
元年正月也九月命張問規度請開孫村口河分水執  
二年三月安燾建議回河之役遂興四年正月罷其役  
五年二月四日命都水使者吳安持修減水河七年十  
月十二日大河東流賜安持三品服八年正月三十日  
中書侍郎范百祿言水官託以分水實欲回河夫壅防  
百川古人所忌周太子晉諫壅穀洛是也紹聖元年十

月十四日謝卿材言河流稍行止無可回之理上河議  
一編二十九日都水使者王宗望言上稟成算斷北流

除河患

熙豐河溢者四十一  
決者一大決者二

### 元豐天源河

五年六月戊寅詔拆金水河透槽回水入汴自汴河北  
引洛水入禁中賜名天源河先是京索河水在汴南舊  
由汴隄上為槽北跨汴以過水然舟至即啟槽頗妨行  
舟時既導洛通汴乃自城西起宇坊引洛水由咸豐門

立隄凡三千三十步水遂入禁中而槽廢政和四年十一月朔開天源河成

河北塘水

志自何承矩以黃懋為判官始開置屯田築隄儲水為阻固其後益增廣之凡並邊諸河若滹沱胡蘆永濟等河皆匯于塘天聖以後領于沿邊屯田司或曰以無用之塘廢可耕之田不如勿廣以息民為根本或曰河朔幅員二千理地平夷無險阻自邊吳浞至泥姑海口綿



七州軍屈曲九百里深不可以舟行淺不可以徒涉雖有勁兵不能度也東有所阻則甲兵之備專力于西孰謂無益明道二年劉平奏自邊吳淀望趙曠川長城口乃契丹出入要害之地東西不及百五十里今契丹多事我乘此以引水植稻為名開方田墮田塍四面穿溝渠縱廣一丈深二丈兩溝間屈曲為徑路才令通步兵引曹鮑徐河雞距泉分注溝中地高則用水車汲引灌溉遂密敕平與楊懷敏漸建方田塘日益廣景祐二年

知雄州葛懷敏請立木為水則以限盈縮慶曆二年申  
定誓約兩界塘淀如舊第罷增廣懷敏自以為塘水捍  
寇其功愈於兵入奏指圖曰臣於水邊為陛下置水虎  
翼軍一百萬矣議者或苦其侵民田嘉祐中知雄州趙  
滋言徐河築隄斷水入塘宜開水竇六十尺修石限以  
節之八年河北提刑張問言視八州軍塘出土為隄以  
蓄西山之水則涉夏河溢而民田無患亦施行焉

曹瑋浚渭州北古池為渠溉田詔獎之

祥符七年四月癸未

張

亢為應天府推官治白沙石梁二渠民無水患 劉從  
廣知洺州漳水溢穿隋故渠以殺水勢 葉清臣知永  
興軍浚三白渠溉田踰六千頃 郭諾知忻州開渭渠  
導汾水興水利置屯田

左傳哀九年秋吳城邾溝通江淮注於邾江築城穿溝  
東北通射陽湖西北至末口入淮通糧道也今廣陵韓  
江是 博物志徐偃王欲舟行上國乃通溝陳蔡之間  
水經注說者咸云漢武微行柏谷遇辱竇門又感其

妻深識之饋既返玉階厚賞賚焉賜以河津令其鬻渡  
今實津是也

管子水出山而流入海者命曰經水引侗入於大水及  
海者命曰枝水出於地溝流於大水及於海者又命曰  
川水 新論四瀆之源河最高而長從高注下水流激  
浚故其流急 司馬相如傳竭度九江越五河注師古  
曰五色之河也仙經說有紫碧絳青黃之河 柳子厚  
興州江運記昔之為國者惟水事為重故有障大澤勤

其官而受封國者西門遺利史起興歎白圭壑鄰孟子  
不與 魯南豐政要策史起溉鄴田鄭國鑿涇水李冰  
修二江之利漢文翁穿煎波鄭當時引渭莊熊引洛兒  
寬開六輔渠白公注涇渭召信臣廣鉗盧之浸後王景  
理芍陂馬臻築鑑湖晉杜預疏荆兗之水張闡理曲阿  
之塘宋人引淝魏人引河唐疏雷陂築句城除堰遏之  
害皆代天施長地力衣食元元而足公家之費 李垂  
導河形勝書春秋二百四十二年災異畢書獨不書河

決者夏禹故道存也今河勢益北因此可遂復故道

歐陽修曰治水本無奇策相地勢謹隄防順水性之所趨雖大禹不過此河渠或以漕輓或以灌溉在利民而已後世邀功之臣興不急之役以耗國疲民無益實利水莫大於四瀆而河數徙失禹故道濟水又王莽時而絕况衆流之細其通塞豈得而常

玉海卷二十二